



Kela<sup>®</sup>

# Reâugte'mesvuõtt

Vuä'nkânji da čiõlggsânji | 2024

Työttömyys | Koltansaame

# Siiskõs

Kela tuärjjõõzz reâugte'mes ooumže	3
Reâugte'mesvuõttpei'vvteä'ğğ	6
Reâuggmarkkântuärjjõs	10
Reâuggmõš reâugte'mesvuõđ ääi'j	15
Škooultõõzz da harjttõõllmõõžž	16
Puärsmeei reâugte'mes oummu tuärjjõs	17
Ooccmõš da mähssmõš	18
Näai't Kela kääzzkâstt	23

# Kela tuärjjõõzz reâugte'mes ooumže

Reâugte'mesvuõtt kie'ppad puättjid.  
Tän brosyyrâst vuä'pstet,  
mâkam teägglaž tuärjjõõzz vuäitak vuäžžad Kelast,  
jõs tu'st ij leäku tuäjjpäi'kk.

Kela tuärjjõõzz reâugte'mesvuõđ äigga lie  
reâugte'mesvuõttpei'vvteä'ğğ da reâuggmarkkântuärjjõs.  
Tõin vuä'pstet tän brosyyr pue'tti seeidain.

Brosyyrâst vuä'pstet še reâuggmõõžžâst  
da mätt'tõõttmõõžžâst reâugte'mesvuõđ ääi'j.  
Brosyyr looppâst lie teâđ tõ'st,  
mä'htt reâugte'mesvuõtt-tuärjjõõzzid oo33ât.

Brosyyr čiõlgat ee'jj 2024 vue'jjest.



## Lââ'ssteâđ nee'ttest da te'lfoonâst

Kela tuärjjõõzzi pïrr vuä'pstet  
nuõrttsää'mkiõ'lle adrõõzzâst  
**[www.kela.fi/nuorttsaamkioll](http://www.kela.fi/nuorttsaamkioll)**

Reâugte'mesvuõđ pïrr vuä'pstet tää'rkben  
Kela lää'ddkiõllsaž seeidain  
**[www.kela.fi/tyottomat](http://www.kela.fi/tyottomat)**



Jõs tu'st lie kõõčcmõõžž,  
vuäitak säittad kääzzkâ'sttemnââmr  
**020 692 21|**

## **Ķii vuäitt vuäžžad Kela reâugte'mesvuõtt-tuärjjõõzz?**

Vuäitak vuäžžad reâugte'mesvuõtt-tuärjjõõzz Kelast, jõs tu'st ij leäkku tuâjppäi'kk̄ jiõk-ga vuäžž reâugte'mesvuõtt-tuärjjõõzz jee'resä'rnn.

Kela mähss reâugte'mesvuõtt-tuärjjõõzzid oummid, kook jälste põõššjen Lää'ddjânnmest. Sij lââ'ssen reâugte'mesvuõtt-tuärjjõõzz määu'set EU-jânnmin puättam oummid, kook lie mââimõssân reâuggam Lää'ddjânnmest.

Tää'rkest še, vuäitak-a vuäžžad Kela mätam jee'res tuärjjõõzzid, ouddmiârkkân jälstemtuärjjõõzz.

## **Jõs pääžžak reâugte'mmen**

Jõs pääžžak reâugte'mmen, i'lmmtõõđ tâ'lles reâugte'mes reâuggooccjen tuâjj- da jie'llemvue'kk-kontra le'be TJ-kontra.

Reâugte'mesvuõtt-tuärjjõõzz määu'set tâ'lk̄ ääi'jest, kuä'ss leäk reâuggooccjen TJ-konttrest. TJ-koontâr oudd še Kelaa'je ciâlkâlm tõ'st, vuei'tet-a tu'nne mä'hssed tuärjjõõzz.

Reâugte'mesvuõttäi'gğgen leäk õõlgtum ooccâd aktiivlânji reâug. Ton õõlgak še vä'ldded vuâstta ta'rjjuum reâug le'be škooultõõzz. Tõ'st ij vuei't keâlddõõttâd määintaa, muđoi seu'rrjõssân vââjj lee'd tuärjjõõzzi mõõntummuš.

Muu'st tuõ'lljed reâuggooccmad viõggâst. Tõn tuejjeet TJ-konttâr ne'ttseeidain (läädas):

[www.tyomarkkinatori.fi](http://www.tyomarkkinatori.fi)

## **Reâuglažvuõđ kâ'ddkiõččlõddmõš**

Vue'ss reâugtem reâuggooccjen vuässâatt reâuglažvuõđ kâ'ddkiõččlõddmõ'sše. Kâ'ddkiõččlõddmõõžžâst dommkâ'dd vie'kk̄kat reâug le'be škooultõõzz kaunnmõõžžâst. Vuäžžak reâuggooccjen teâđ mâŋŋa i'lmmtõõttmõõžž tõ'st, hâidd-a aa'sšâad tuu dommkâ'dd avi TJ-koontâr.

## **Muuttâs-staanteä'gğg pâ'jjel 55-ekksaid**

Muuttâs-staanteä'gğg lij tuärjjõs, koon vuäitak vuäžžad Kelast le'be tuâjte'mesvuõttkää'snest, jõs tuu leät peästtam tuâjstad. Muuttâs-staantie'gğgest lij mie'rr hiâlpeed odđ tuâjppäi'k kaunnmõõžž. Tõn mie'rr lij seämma ko nu'tt õõut mäân-päai pä'lkk̄.

Vuäitak vuäžžad muuttâs-staantie'gğg, jõs puk tak mäain teâuddje:

- Leäk teâuddam 55 ee'kk̄ed.
- Tuu leät peästtam tuâjppäi'kstad puu't'temnalšem da täälbeällsaž määinai vuâđald.
- Leäk leämmaš tuâjast seämma tuâjppäi'kest uu'ccmõsân 5 ee'kk̄ed.

Jõs kuulak tuâjte'mesvuõttkâšna, 0033 muuttâs-staantie'gğg jiõččad tuâjte'mesvuõttkää'snest. Jõs jiõk kuul tuâte'mesvuõđkâšna, 0033 muuttâs-staantie'gğg Kelast.

# Reâugte'mesvuõttpei'vv-teä'ğğ

Reâugte'mesvuõttpei'vvteä'ğğ vuäitt lee'd tiânâspei'vvteä'ğğ le'be vuâđđpei'vvteä'ğğ.

## Tiânâspei'vvteä'ğğ

Tiânâspei'vvtie'ğğ la'skkeet tiânnsi le'be puättji mie'ldd. Vuäitak vuäžžad tiânâspei'vvtie'ğğ, jös kuulak reâugte'mesvuõttkäšna. Ouddmiârkkân jee'res ämmatsuõ'rjin lie täujja jiijjâz reâugte'mesvuõttkää'sn. Lie še reâugte'mesvuõttkää'sn, koid kii täättas vuäitt kuullâd.

Kela ij määu's tiânâspei'vvtie'ğğ, jeät-ga tön occu Kelast.

Reâugte'mesvuõttkää'snn mähss tiânâspei'vvtie'ğğ, jös leäk kuullâm reâugte'mesvuõttkäšna nokk kuu'kk da teâudak reâugastâarram-mäain. Reâugastâarram-mäain teâuddmõš miârkkšââvv, što leäk leämmaž nokk kuu'kk reâugast ouddâl reâugte'mmen pääccmõõžž.

Tiânâspei'vvtie'ğğ määu'set jäänmõsân 400 pei'vved. Jös leäk leämmaž reâugast vuälla 3 ee'jj, vuäitak vuäžžad tiânâspei'vvtie'ğğ jäänmõsân 300 pei'vved.

Kõõjj lââ'ssteâđaid tiânâspei'vvtie'ğğgest jiijjad reâugte'mesvuõttkää'snest le'be Reâugte'mesvuõttkaa'sni õhttsažorganisaatiost (Työttömyyskassojen yhteisjärjestö, lääddas): [www.tyj.fi](http://www.tyj.fi)

## Vuâđđpei'vvteä'ğğ

Jös jiök leäkku reâugte'mesvuõttkää'sn vuäzzlaž jiök-ga vuäžž tiânâspei'vvtie'ğğ, Kela mähss vuâđđpei'vvtie'ğğ. Tõn määu'set jäänmõsân 400 pei'vved. Jös leäk leämmaž reâugast vuälla 3 ee'jj, vuâđđpei'vvtie'ğğ määu'set jäänmõsân 300 pei'vved.

Jös leäk vuälla 25-ekksaž, vuâđđpei'vvtie'ğğ vuäžžma lie räa'jtõõžž. Taa'rkest TJ-konttrest, vuäitak-a vuäžžad vuâđđpei'vvtie'ğğ.

## Mâ'mmet vuâđđpei'vvtie'ğğ vuäžž?

Vuâđđpei'vvteä'ğğ lij 37,21 eu'rred peei'vest, da tön määu'set 5 peei'vest neä'ttlest. Jös tu'st lie päarna, vuäžžak päarnažpâajõõžž. Tõt lij 5,84–11,05 eu'rred peei'vest tön mie'ldd, kâ'll päarnžed tu'st lie.

Päarnažpâajõõžž jeä't mahssu teänab 1.4.2024 ää'ljee'l, ko lää'kk mottai.



Vuâđđpei'vvteägga vvei'tet mä'hssed pâajõsvue'zz, jös vuässõõđak TJ-konttrin suappum toi'mmjummsa. Vuâđđpei'vvtie'ğğ pâajõsvue'ss lij 5,29 eu'rred peei'vest. Vuâđđpei'vvtie'ğğ pâajõsvue'zz määu'set jäänmõsân 200 peei'vest.

Vuâđđpei'vvtie'ğğgest määu'set piidid.

Vuäitak ärvvtõöllâd Kela ne'ttseeidai la'skkeem-mašina veäkkä, mâ'mmet vuäžžak vuâđđpei'vvtie'ğğ (lääddas). [www.kela.fi/laskurit](http://www.kela.fi/laskurit)

## Reaugastáárram-mäinn

Što vuäžžak vuâđđpei'vvtie'ğğ,  
ton õõlgak tieu'dded reaugastáárram-mäin.

Reaugastáárram-mäinn teâuddai, jõs

- leäk leämmaž reaugast uu'ccmõsân 26 neä'ttled mââimõs 28 mäinpââ'j se'st
- tuu tuâjjâi'ğğ lij leämmaž uu'ccmõsân 18 čiâssâd neä'ttlest
- tuu pä'lkk lij leämmaž sue'rij reauggmäinnsuâppmõõžž meâldlaž le'be uu'ccmõsân 1 331 eu'rred mäinpââ'jest.



Reaugastáárram-mäinn mottai 2.9.2024.  
Mâņņa tõ'st reaugastáárram-mäinn nârrai

- õhtt mäinpââ'jj, jos leäk vuäžžam mäinpââ'j äi'ğğen pää'lkk oo'ccmõsân 930 eu'rred
- pie'll mäinpââ'j, jõs leäk vuäžžam mäinpââ'j äi'ğğen pää'lkk oo'ccmõsân 465 leša vuâlla 930 eu'rred.

Leäk teâuddam reaugastáárram-mäin,  
ko täk reaugastáárram-mäinpââ'j lie nârrjam õhttsi'žže 12 mââimõs 28 mäinpââ'j äi'ğğen.

Reauggmõõžž måtam nuu'bb EU- le'be Etv-jânnmest  
le'be Svei'ccjânnmest vuei'tet še la'skkheet mie'ldd.

Reaugastáárram-mainnu vuei'tet la'skkheed mie'ldd reaug  
še kuu'kkab ääi'jest ko 28 mäinpââ'jest ouddmiârkkân tâ'l,  
jõs

- leäk puõccâm
- leäk mätt'tõõttâm
- leäk hâiddam vuâlla 3-ekksaž pärnžad
- leäk vuässõõttâm TJ-konttâr jä'rjstem tääimaid.

Põõrgâsnee'kkest lij jiijjâs reaugastáárram-mäinn.  
Jõs leäk põõrgâsnek,  
tää'rkest vuâđđpei'vvtie'ğğ mäinaid Kelast.

## Reaugte'mmen ålggjânnmin

Reaugte'mesvuõttpei'vvtie'ğğ määu'set  
måtam vuõ'jjin še te'l,  
ko leäk ålggjânnmin da oožžak to'ben reaug.

# Reâuggmarkkântuärjjõs

Jõs jiõk vuei't vuäžžad tiânâspei'vvtie'ğğ  
le'be vuâđđpei'vvtie'ğğ,  
tu'nne vuei'tet mä'hssed reâuggmarkkântuärjjõõz.  
Tõn vuäitt vuäžžad 18-64-ekksaž reâugte'mes reâuggoocci,  
kää'tt jäälast põõššjen Lää'ddjânmmest.  
Reâuggmarkkântuärjjõõz äi'ğğ ij leäkku räa'jtum.

Vuäžžak tuâjjmarkkântuä'rjjõõz,  
hâ't jiõk tieu'dd tuâjastäärram-määin  
le'be jiõk leäkku leämmaš tuâjast nokk kuu'kk.  
Vuäžžak reâuggmarkkântuärjjõõz še te'l,  
ko leäk vuäžžam tiânâspei'vvtie'ğğ  
le'be vuâđđpei'vvtie'ğğ 400 pei'vved.

Reâuggmarkkântuärjjõõz jeät mahssu älggânmmid.

Reâuggmarkkântuärjjõõz vuäžžma lie räa'jtõõz,  
jõs leäk vuälla 25-ekksaž le'be  
jõs tu'st ij leäkku ämmtallaš škooultõs.  
Tää'rkest TJ-konttrest,  
vuäitak-a vuäžžad reâuggmarkkântuärjjõõz.



## Mâ'mmet reâuggmarkkântuärjjöõzz vuäžž?

Reâuggmarkkântuärjjõs lij 37,21 eu'rrer peei'vest, da tön mäü'set 5 peei'vest neä'ttlest.

Reâuggmarkkântuärjjõs lij â'tte seämma šoora ko vuâđđpei'vvtie'ğğ da tõi'st še mäü'set piidid.

Vuäitak vuäžžad reâuggmarkkântuärjjõ'sse pâäjõõzz, jõs tu'st lie pärna le'be jõs vuässõõđak TJ-konttrin suâppum toi'mmjummša. Pâäjõõzz lie seämma šoora ko vuâđđpei'vvtie'ğğgest.



Pärnažpâäjõõzz jeä't mahssu teänab 1.4.2024 ää'ljee'l.

Reâuggmarkkântuärjjõs lij jee'resnallšem ko vuâđđpei'vvtie'ğğ tõi'st, što puärssi puätti vuei'tte vaaikted tuärjjõõzz meärra.

## Jee'res puätti kie'ppee tuärjjõõzz

Puk jiijjad puätti kie'ppee reâuggmarkkântuärjjõõzz meä'r.

Jõs tu'st lie kapitaalpuätti, tõk še vuei'tte kie'ppeed tuärjjõõzz meä'r. Kapitaalpuätti lie ouddmiärkkân vuâkrpuâđ, vuei'ttemvuässõs da kaupšemvuäitt.

Jiijjad kapitaalpuätti jie kuuitâg vaaikât reâuggmarkkântuärjjõ'sse

- jõs leäk teâuddam 55 ee'kked da leäk teâuddam reâugastâârram-mäain ouddâl ko pa'ccik reâugte'mmen
- jõs vuässõõđak TJ-konttrin suâppum toi'mmjummša.

Puärssi puätti kie'ppee tuärjjõõzz, jõs jälstak suännain.

Vuäžžak kuuitâg pâi uu'ccmõsân peä'l reâuggmarkkântuärjjõõzzstad.

Puärssi puätti jie vaaikât, jõs vuässõõđak TJ-konttrin suâppum toi'mmjummša.

Määng tuärjjõõzz jie vaaikât reâuggmarkkântuärjjõ'sse. Tõk lie ouddmiärkkân pärnažlââ'ss, jeä'ltemveä'kk, pi'rğğeemtuärjjõs, jälstemtuärjjõs da lää'mestuärjjõs.

Vuäitak ärvvtõöllâd Kela ne'ttseeidai la'skkeem-mašina veäkka, mâ'mmet vuäžžak reâuggmarkkântuärjjõõzz (lääddas): [www.kela.fi/laskurit](http://www.kela.fi/laskurit)



## Reâuggmõš reâugte'mesvuõđ ääi'j

Jõs reâugak mâtmešt reâugte'mesvuõđ ääi'j,  
tuâjitiânnsad vuäi'tte kie'ppeed reâuggmarkkântuärjjõõzz  
le'be vuâđđpei'vvtie'ğğ meä'r.

Vuâđđvuâkkõsân lij,  
što ko teä'n'jak reâugast eeu'r,  
tuärjj keäppan 50 se'ntted.

Vuäitak kuuitâg teä'n'jed 300 eu'rred määnpââ'jest tõntää,  
što tõt kie'ppad tuärjjõõzz meä'r.  
Tõn kääčcat suõjjvue'ssen.

Suõjjvue'ss poott 1.4.2024,  
da mâḡḡa tõ'st puk tiännâz kie'ppee tuärj meä'r.



I'Immet reâuggčičiâssääd da reâuggppei'vääđ Kelaa'je.  
Kela vuäžž pä'lkkteâđaid puâđrekistee'rest  
da äu'kkad tõid ooccmõõžži kiõtt'tõõllmest.



# Škooultõõzz da harjttõõllmõõžž

Reaugte'mmen vuaitak oozzõõttâd škooultõ'sse le'be harjttõõllmõ'sše.

Näai't pue'rääk tuu vuei'ttemvuõđid vuäžžad reaug. Vuaitak vuäžžad tuärjjõõzz še škooultõõzz le'be harjttõõllmõõžž ääi'jest.

TJ-konttrest lie jee'resnallšem tuäjttâttmõõžž ouudeei kääzzkõõzz.

Tõk lie

- mätt'tõõttmõš
- reauggviõkkškooultõs
- reauggoocâmvalmštummuš
- sue'rğğvalmštummuš
- reauggkiččlõddmõš
- škooultemkiččlõddmõš
- säu'rmsõ'tti tuäjtoi'mmjummuš.

Kõõjj lââ'zz tuäjttâttmõõžž ouudeei kääzzkõõzzin da suäv tõid vuässõõttmest TJ-konttrest.

Vuäžžak škooultõõzz le'be harjttõõllmõõžž ääi'jest tuärjjõõzz takainalla, jõs leäk suappâm vuässõõttmest TJ-konttrin. TJ-konttrin suappum škooultõõzz le'be harjttõõllmõõžž ääi'jest vuaitak vuäžžad tuärjjõss'sad še pâäjõõzz. Pâäjõõzz vuaitt vuäžžad jäänmõsân 200 peei'vest.

Vuaitak mätam vuõ'jjin vuäžžad ko'rvvõõzz maa'tkikoolain da jee'res koolain tõn ääi'jest, kuä'ss vuässõõđak škooultõ'sse le'be jee'res toi'mmjummuša.

# Puärsmeei reaugte'mes oummu tuärjjõs

Jõs leäk šõddâm ee'jj 1964 le'be ouddâl tõn, vuaitak piässâd nu'tt ceälkkum jeältõkpacca le'be vuäžžad lââ'sspeei'vid tiânâspei'vvteägga le'be vuâđđpei'vvteägga. Te'l vuäžžak pei'vvtie'ğğ, sa serddjak puä'resvuõttjeältõ'kke.

Vää'ld õhttvuõđ Kelaa'je, jõs smiõttak, vuaitak-a vuäžžad lââ'sspeei'vid vuâđđpei'vvteäggsad. Jõs haa'lääk lââ'sspeei'vid tiânâspei'vvteäggsad, vää'ld õhttvuõđ reaugte'mesvuõttkäšnnsad.

Vuaitak oocâd puä'resvuõttjeältõõgg ouddâl 65 ee'jj âä'jj, jõs leäk šõddâm ouddâl ee'jj 1962. Lââ'ssen tu'st fe'rttai lee'd reaugtem da vuäžžad lââ'sspeei'vid vuâđđpei'vvteägga.



# Ooccmõš da mähssmõš

I'lmmtõõd vuõššân reâugte'mes reâuggooccjen TJ-konttrest.

Ooz3 reâugte'mesvuõtt-tuärjjõõzz Kelast,  
ko leäk leämmaž reâugte'mmen jiõččvasttõsäi'j  
le'be 7 arggpeei'v.

Vuäitak vuäžžad reâugte'mesvuõtt-tuärjjõõzz  
määikiõ'tte jäänmõsân 3 määnpää'j ääi'jest.

Ooz3 reâugte'mesvuõtt-tuärjjõõzz nee'ttest:

**[www.kela.fi/neettest](http://www.kela.fi/neettest)**

Taa'rkest ooccmõõžžâst,  
mõök meälldõõzz tõ'st â'lğge lee'd.  
Meälldõõzzid vuäitt še tääimted Kelaa'je nee'ttest.

Vuäitak ooccâd tuärjjõõzz še lomaakkin,  
koon vuäžžak Kela kontrin da ne'ttseeidain:

**[www.kela.fi/lomaakk](http://www.kela.fi/lomaakk)**

Kela pää'staddrõs lij

**Kela**

**PL 10**

**00056 KELA**

Vuäitak hâiddad miälggâd puk Kela-aa'sšääd še te'lfoonâst.

Ko Kela lij kiõtt'tõöllâm ooccmõõžžad,  
vuäžžak päikksad tu'mmstõõgg.  
Tu'mmstõõggâst i'lmmtet tuärjjõõzz meä'r,  
vuâd da mä'hssempei'vv.  
Vuäžžak tu'mmstõõgg te'l še,  
jõs tu'nne ij leäkku miõttum tuärjjõs.

Kela mähss tuärjjõõzzid tuu baŋkkti'lle.



## Reaugte'mesvuõttäai'j i'lmmtõs

Jõs reaugte'mesvuõtt juätkkai,  
ton õõlgak tääimted Kelaa'je  
reaugte'mesvuõttäai'j kuõskki i'lmmtõõzz  
4 neä'ttel kõõski.

Kela mähss tu'nne tuärjjõõzz i'lmmtõõzzad vuâdald.

Reaugte'mesvuõttäai'j i'lmmtõõzz vuäitak tuejjeed nee'ttest  
le'be lomaakkin, koon vuäitak pri'nttjed Kela ne'ttseeidain  
le'be vižžäd Kela konttrin.

Mie'rkked i'lmmtõ'sse tõid peei'vid,  
ko leäk leämmaž reaugtem,  
da tõid peei'vid, ko leäk vuässõõttâm  
TJ-konttrin suâppum toi'mmjummša.

Jõs leäk reaugte'mesvuõttäai'j  
leämmaž aai'ji mie'ldd reaugast,  
mie'rkked i'lmmtõ'sse tõid peei'vid,  
ko leäk leämmaž reaugast.

## I'lmmet, jõs vuâkkad mottai

Jõs jie'llmad mottai,  
tõt vuäitt vaaikted tuu Kelast vuäžžam tuärjjõõzzid.  
Muuttâs vuäitt kuõskkâd ouddmiârkkân jälstummuž,  
puättjid, reauggmõõžž le'be piârri.

Muu'st i'lmmted muttsin Kelaa'je.  
Vuäitak tuejjeed tõn nee'ttest, te'lfoonâst le'be konttrest.

Tuu vasttõõzzâst lij vue'zzstad ainsmâ'tted,  
što Kelast lie vuõigg teâđ.  
Te'l tuärjjõõzz mäau'set tu'nne vuõigg šooržen.

## Jõs tu'mmstõõggâst lij vââ'kk

Jõs Kela tu'mmstõk lij tuu miõlâst puästtad,  
vuäitak ooccâd tu'mmstõ'kke muttâz.

Vuäžžak tu'mmstõk-kee'rij mie'ldd vuäppõõzzid tõ'st,  
mä'htt muttâz oožžât.

Jõs tu'st lie kõõčcmõõžž,  
vää'ld vuõššân õhttvuõđ Kelaa'je.



## Nee'ttest vuäitak

- ooccâd tuärjjõõzzid
- vuõltteed meâlddõõzzid
- taa'rksted ooccmõõžžad vue'jj
- vuõltteed saaggid
- i'lmmted muttsin
- looppted tuärjjõõzz.



# Kela nuõrttsää'mķiõ'lle

Nuõrttsää'mķiõllsa ne'ttseid:  
[www.kela.fi/nuorttsaamkioll](http://www.kela.fi/nuorttsaamkioll)

## Nuõrttsää'mķiõllsa brosyyr:

Jeältõõgg da jee'res jeältõkvuäžžai tuärjjõõzz

Mätt'tõõđi da veä'rğğõõlgtõsnee'ķķ

Pi'rğğeemtuärjjõs

Puõccmõš da lää'mesvuõtt-tuärjjõõzz

Pä'rnnpiârri

## ■ Reaugte'mesvuõtt

Säursmâttmõš

Takai jälstemtuärjjõs

Ålggjânmin Lää'ddjânma le'be

Lää'ddjânmost ålggjânmid

Nuõrttsää'mķiõllsaž brosyryd vuäitt pri'nttjed  
nee'ttest adrõõzzâst:  
[www.kela.fi/brosyyr](http://www.kela.fi/brosyyr)